

O'ZBEKISTON RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

25 сентябрь 2018 й.г. № 766

Toshkent sh.

**Фуқароларнинг давлат пенсия таъминоти тизими янада
такомиллаштирилиши муносабати билан Ўзбекистон Республикаси
Хукуматининг айрим қарорларига ўзгартириш ва қўшимчалар
киритиш тўғрисида**

Ўзбекистон Республикаси Президентининг “Меҳнат фаолиятини амалга оширувчи айрим алоҳида тоифадаги пенсионерларга мақбул шароитлар яратиш бўйича қўшимча чора-тадбирлар тўғрисида” 2017 йил 28 декабрдаги ПФ-5291-сон Фармонини бажариш юзасидан, шунингдек, фуқароларнинг давлат пенсия таъминоти тизимини янада такомиллаштириш мақсадида Вазирлар Маҳкамаси қарор қиласди:

1. Ўзбекистон Республикаси Хукуматининг иловага мувофиқ айрим қарорларига ўзгартириш ва қўшимчалар киритилсин.
2. Вазирликлар ва идоралар ўzlари қабул қилган норматив-хукуқий хужжатларини бир ой муддатда ушбу қарорга мувофиқлаштирунлар.
3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари - Молия вазири Ж.А. Кўчқоров зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2018 йил 25 сентябрдаги
766 -сон қарорига
илова

**Ўзбекистон Республикаси Ҳукуматининг айрим қарорлариға
киритилаётган ўзгартириш ва қўшимчалар**

1. Вазирлар Маҳкамасининг 2006 йил 30 октябрдаги 223-сон қарори (Ўзбекистон Республикаси ҚТ, 2006 й., 10-сон, 79-модда) билан тасдиқланган Автомобиль бензини сотиб олиш харажатларининг бир қисми учун шахсларнинг айрим тоифалариға ойлик пул компенсацияси тўлаш тартиби тўғрисидаги Низомда:

- а) 18-банддаги «10-кундан» сўзи «3-кундан» сўзи билан алмаштирилсин;
- б) 19-банддаги «Ўзнефтмаҳсулот» акциядорлик компаниясининг унитар корхоналари (нефть базалари) ҳар ойда 27-кундан» сўzlари «Ўзнефтмаҳсулот» акциядорлик жамиятининг «Нефтбаза» МЧЖлари ҳар ойда 10-кундан» сўzlари билан алмаштирилсин.

2. Вазирлар Маҳкамасининг 2010 йил 19 февралдаги 30-сон қарори (Ўзбекистон Республикаси ҚТ, 2010 й., 2-сон, 11-модда) билан тасдиқланган Ўзбекистон Республикаси Молия вазирлиги хузуридаги бюджетдан ташқари Пенсия жамғармаси тўғрисидаги Низомда:

- а) 13-банд куйидаги таҳрирда баён қилинсин:

«13. Ўзбекистон Республикаси Давлат солик қўмитаси Жамғарма билан ахборот алмашинувини, шу жумладан ахборот-коммуникация технологияларидан фойдаланган ҳолда электрон ҳамкорликни амалга оширади ва Жамғарманинг ижро этувчи аппаратига:

Жамғармага ҳар ойда ҳисобот ойидан кейинги ойнинг 10-кунигача вазирликлар, идоралар ва ҳудудлар кесимида мажбурий тўловлар, бадаллар ва бошқа тўловлар турлари бўйича (боқиманда) қарздорлик тўғрисидаги тезкор ҳисоботни;

юридик шахслар томонидан чораклик ва йиллик ҳисобот тақдим этилгандан кейин 25 кун мобайнида мажбурий тўловлар, бадаллар ва бошқа тўловларни ҳисоблаш тўғрисидаги ҳисоботни вазирликлар, идоралар ва ҳудудлар бўйича тақдим этади.

3. Вазирлар Маҳкамасининг “Фуқароларнинг давлат пенсия таъминоти тўғрисида”ги Ўзбекистон Республикаси Қонунига ҳамда Ўзбекистон Республикасининг Мехнат кодексига ўзгартиш ва қўшимчалар киритиш ҳақида”ги Ўзбекистон Республикаси Қонунини амалга ошириш учун зарур бўлган норматив-хукукий ҳужжатларни тасдиқлаш ҳақида” 2011 йил 7 апрелдаги 107-сон қарорида (Ўзбекистон Республикаси ҚТ, 2011 й., 4-сон, 27-модда):

- а) 1-иловада:

13-бандга куйидаги мазмундаги хатбоши қўшилсин:

«Вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг амал қилиш муддатининг тугаши билан вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг кейинги санаси ўртасида узилиш мавжуд бўлган тақдирда Пенсия жамғармаси бўлими томонидан нафақани тўлаш вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг янги санасидан бошлаб давом эттирилади. Бунда нафақани тўлаш нафақа тўлаш тўхтатилган пайтдан, бироқ ўн икки ойдан ортиқ бўлмаган пайтдан бошлаб давом эттирилади.»;

21-банд қуйидаги таҳрирда баён қилинсин:

«21. Ногиронлиги бўлган болага, ўн саккиз ёшга тўлмаган ОИВ инфекциясига чалинган шахс ёки 16 ёшдан катта болалиқдан ногиронлиги бўлган шахсга тегишли бўлган ва унинг ўлими сабабли олинмай қолган нафақа суммаси мерос таркибиға киритилмайди ва унинг ота-онасига, эрига (хотинига), шунингдек, ногиронлиги бўлган бола, ўн саккиз ёшга тўлмаган ОИВ инфекциясига чалинган шахс ёки 16 ёшдан катта болалиқдан ногиронлиги бўлган шахс билан у вафот этган кунда бирга яшайдиган оила аъзоларига тўланади.

Ногиронлиги бўлган бола, ўн саккиз ёшга тўлмаган ОИВ инфекциясига чалинган шахс ёки 16 ёшдан катта болалиқдан ногиронлиги бўлган шахс вафот этган ой учун тўлиқ олинмай қолган нафақа суммаси юқорида кўрсатиб ўтилган шахсларга мазкур ойнинг ногиронлиги бўлган шахснинг ўлимигача бўлган кунлари учун тўланади.

Бир неча шахс мурожаат қилишганда уларга тегишли нафақа суммаси улар ўртасида тенг миқдорда тақсимланади.

Кўрсатиб ўтилган сумма, уни олиш учун ногиронлиги бўлган бола, ўн саккиз ёшга тўлмаган ОИВ инфекциясига чалинган шахс ёки 16 ёшдан катта болалиқдан ногиронлиги бўлган шахс вафотидан кейин 6 ойдан кечикмай мурожаат қилинган тақдирда тўланади.»;

б) 2-иловада:

9-банд қуйидаги таҳрирда баён қилинсин:

«9. Ногиронлик нафақаси ногиронлик содир бўлган ҳолларда, ёшидан қатъи назар, иш стажига эга бўлмаган I ва II гуруҳ ногиронлиги бўлган шахсларга тайинланади ва тўланади»;

11-банд қуйидаги таҳрирда баён қилинсин:

«11. Қабул қилинган хулоса асосида ТМЭК етти кун муддатда тиббий текшириш далолатномасидан кўчирмани Пенсия жамғармаси бўлимиға юборади»;

25-бандга қуйидаги мазмундаги хатбоши қўшилсин:

«Вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг амал қилиш муддатининг тугаши билан вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг кейинги санаси ўртасида узилиш мавжуд бўлган тақдирда Пенсия жамғармаси бўлими томонидан нафақани тўлаш вақтингчалик прописка (Тошкент шаҳрида ва Тошкент вилоятида келган жойи бўйича ҳисобга олиш)нинг ёки яшаш учун руҳсатноманинг янги

санасидан бошлаб давом эттирилади. Бунда нафақани тўлаш нафақа тўлаш тўхтатилган пайтдан, бироқ ўн икки ойдан ортиқ бўлмаган пайтдан бошлаб давом эттирилади».

4. Вазирлар Маҳкамасининг “Дафн этишга нафақа тайинлаш ва тўлаш тартиби тўғрисидаги низомни тасдиқлаш ҳақида” 2011 йил 14 июндаги 174-сон қарорида (Ўзбекистон Республикаси ҚТ., 2011 й., 6-сон, 51-модда):

а) 7-банд қуидаги таҳрирда баён қилинсин:

«7. Ушбу Низомда назарда тутилган тартибда дафн этиш мажбуриятини зиммасига олган шахс нафақа олиш ҳуқуқига эга бўлади. Дафнни ўтказганлик ҳолати ўзини ўзи бошқариш органларидан олинган маълумотлар асосида белгиланади.

Ўзбекистон Республикаси фуқаролари хорижий давлат ҳудудида дафн этилган тақдирда, дафн этиш ҳолати тегишли хужжатлар, шунингдек, дафн этиш мажбуриятини ўз зиммасига олган фуқаронинг паспортидаги Ўзбекистон Республикасининг Давлат чегарасини кесиб ўтганлигини тасдиқловчи ёзувлар (муҳр, штамплар ёки белгилар) орқали аниқланади»;

б) 24-банддаги ««Ўзбекистон почтаси» ОАЖ почта алоқасининг обьектлари операторлари ва провайдерлари (кейинги ўринларда почтанинг таркибий бўлинмалари деб аталади)» сўzlари «нафақани етказиб бериш (топшириш) юкланган ташкилот» сўzlари билан алмаштирилсин»;

в) 25-бандда:

иккинчи хатбошидаги «почтанинг тегишли таркибий бўлинмасига» сўzlари «нафақани етказиб бериш (топшириш) юкланган ташкилотга» сўzlари билан алмаштирилсин»;

учинчи хатбоши қуидаги таҳрирда баён қилинсин:

«ариза берувчи мурожаат қилган кунда нафақа тўлашга ведомостни расмийлаштириш ҳамда ариза берувчига нафақа тўлашни амалга ошириш учун нафақани етказиб бериш (топшириш) юкланган ташкилотга ахборот тизими орқали тақдим этиш»;

тўртинчи хатбошидаги «почтанинг таркибий бўлинмаси» сўzlари «нафақани етказиб бериш (топшириш) юкланган ташкилот» сўzlари билан алмаштирилсин;

г) 26-банд қуидаги таҳрирда баён қилинсин:

«26. Нафақани етказиб бериш (топшириш) юкланган ташкилот ведомостга ва ариза берувчининг паспортига, паспорт бўлмаган тақдирда эса ариза берувчининг шахсини тасдиқловчи бошқа хужжатга қатъий асосланиб нақд пул маблағларини тўлайди»;

д) 27 ва 43-бандлар ўз кучини йўқотган ҳисоблансин.

5. Вазирлар Маҳкамасининг 2011 йил 8 сентябрдаги 252-сон қарори (Ўзбекистон Республикаси ҚТ, 2011 й., 9-сон, 75-модда) билан тасдиқланган Давлат пенсияларини тайинлаш ва тўлаш тартиби тўғрисидаги Низомда:

а) 1-иловада:

4-банддаги «кўриб чиқиши» сўzlаридан кейин «Қонунда назарда тутилган шартлар ва нормалар асосида ҳамда» сўzlари қўшилсин;

31-банднинг иккинчи хатбошидаги «маҳсус дафтарда» сўzlари «Пенсия жамғармасининг ахборот тизимида» сўzlари билан алмаштирилсин;

35-бандда:

«а» кичик бандида:

тўртинчи хатбошидаги «иш вақти» сўзларидан кейин «олти кунлик иш хафтасидан келиб чиқиб» сўзлари қўшилсин;

олтинчи хатбошидаги «маҳсулотларини сотиш» сўзларидан кейин «, шунингдек шахсий ёрдамчи хўжаликларда қишлоқ хўжалик маҳсулотларининг бошқа турларини (ўсимликшунослик, чорвачилик, балиқчилик маҳсулотларини) етиштириш билан банд бўлган» сўзлари қўшилсин;

46-банднинг биринчи хатбошидаги «маҳсулотларини сотиш» сўзларидан кейин «, шунингдек шахсий ёрдамчи хўжаликларда қишлоқ хўжалиги маҳсулотларининг бошқа турларини (ўсимликшунослик, чорвачилик, балиқчилик маҳсулотларини) етиштириш» сўзлари қўшилсин;

55-банднинг иккинчи хатбошидаги «ушбу Низомга 6-иловага мувофиқ шакл бўйича Ўзбекистон Республикаси давлат солиқ органлари томонидан тақдим этиладиган маълумотлар асосида Пенсия жамғармаси бўлими» сўзлари «давлат солиқ хизмати органлари» сўзлари билан алмаштирилсин;

56-бандга қуйидаги мазмундаги хатбоши қўшилсин:

«Пенсия жамғармасининг ҳудудий бўлинмалари фуқароларга иш стажини тасдиқлаш учун қонунчиликда назарда тутилган асос мавжуд бўлган тақдирда судларга даъволар тайёрлашда қўмаклашишади»;

70-банддаги «ташкилотнинг» сўзидан кейин «(солиқ тўловчи ташкилотнинг идентификация рақамини кўрсатган ҳолда)» сўзлари қўшилсин;

79-банддаги «таътилларда бўлиш» сўзларидан кейин «, шунингдек тайёрлов курсларида ўқиш даври» сўзлари қўшилсин;

88-бандга қуйидаги мазмундаги хатбоши қўшилсин:

«Мехнат дафтарчасидаги суд тартибида сохталаштирилган (қалбакалаштирилган) деб топилган ёзувлар меҳнат фаолиятининг охирги ўн йиллик даврига киритилмайди.»;

91-банддаги «Мудофаа, ички ишлар, фавқулодда вазиятлар вазирликлари» сўзлари «Мудофаа вазирлиги, Ички ишлар вазирлиги, Фавқулодда вазиятлар вазирлиги» сўзлари билан алмаштирилсин;

113¹-банднинг биринчи хатбошидаги «пенсияга» сўзи «ишилмайдиган пенсионернинг пенсиясига» сўзлари билан алмаштирилсин;

134 ва 135-бандларнинг тўртинчи хатбошилардаги «маҳсус дафтарда» сўзлари «Пенсия жамғармасининг ахборот тизимида» сўзлари билан алмаштирилсин;

163-банд қуйидаги таҳрирда баён қилинсин:

«163. 2011 йил 1 январдан кейин ногиронликнинг III гурухи белгиланган шахсларга, шу жумладан, такрорий тиббий кўрикдан ўтказилгандан сўнг ногиронликнинг III гурухи белгиланган шахсларга ногиронлик пенсияси тайинланмайди ва тўланмайди, Чернобиль ҳалокати оқибатида III гурух ногиронлигини олган шахслардан ташқари.

Мисол: Фуқарога 2010 йилда тайинланган III гурух ногиронлик пенсияси ногиронликнинг бутун даври давомида тўланади. Ушбу фуқаро 2011 йил 1 январдан кейин такрорий тиббий кўрикдан ўтказилгандан сўнг қайта ногиронликнинг III гурухи белгиланса пенсия тўланиши тўхтатилади.»;

172-бандда:

қуидаги мазмундаги ўн биринчи хатбоши қўшилсин:

«Пенсионер хорижий давлатда бўлган ва соғлиғи туфайли Ўзбекистон Республикасига келиш имкониятига эга бўлмаган ҳолатларда пенсионер Ўзбекистон Республикасининг чет элдаги дипломатик ваколатхонаси ёки консуллик муассасасига пенсия тўловини тиклаш юзасидан мурожаат этиши мумкин ва хорижий давлат ҳудудида доимий яшаш ҳолати мавжуд эмаслигини, шунингдек, пенсия ёки ижтимоий нафақа олмаслигини тасдиқлаши лозим.»;

ўн биринчи хатбоши ўн иккинчи хатбоши деб ҳисоблансин;

ўн иккинчи хатбошидаги «қамоқ» сўзи «озодликдан маҳрум этиш» сўzlари билан алмаштирилсин;

177-банднинг иккинчи хатбошидаги «ҳисоблаб чиқилади» сўzlаридан кейин «, бунда ариза берилган ойда ҳисобланган (тўланган) пенсия пули ҳисобга олинади» сўzlари қўшилсин;

202-бандга қуидаги мазмундаги хатбоши қўшилсин:

«Пенсионер Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси туман (шаҳар) бўлимининг ортиқча тўланган пенсия суммасини чегириб қолиш тўғрисидаги қароридан норози бўлган тақдирда, аниқланган қарздорлик у аниқланган санадан бошлаб кўпи билан уч йил учун суд орқали ундирилади»;

203-банддаги «Назорат-тафтиш» сўzlари «Давлат молиявий назорати» сўzlари билан алмаштирилсин;

6-илова ўз кучини йўқотган деб ҳисоблансин.

6. Вазирлар Маҳкамасининг 2014 йил 23 декабрдаги 357-сон қарори (Ўзбекистон Республикаси ҚҲТ, 2014 й., 52-сон, 622-модда) билан тасдиқланган “Фуқароларнинг давлат пенсия таъминоти тўғрисида”ги Ўзбекистон Республикаси Қонунига мувофиқ пенсияларни тўлашга харажатларни қоплаш тартиби тўғрисидаги низомда:

4-банddаги «10» рақами «25» рақами билан алмаштирилсин;

5-банд қуидаги таҳрирда баён қилинсин:

«5. Пенсионернинг яшаш жойи бўйича Пенсия жамғармасининг туман (шаҳар) бўлими ҳар ойда ойнинг 15-санасигача Пенсия жамғармасининг туман (шаҳар) бўлими солиқ ҳисобига қўйилган жойдаги давлат солиқ хизмати органига мазкур Низомнинг 3-бандида кўрсатилган Пенсия жамғармаси туман (шаҳар) бўлимининг харажатлари бўйича қарздорлиги суммаси тўғрисидаги маълумотларни тақдим этади.».

7. Вазирлар Маҳкамасининг 2016 йил 22 февралдаги 46-сон қарори (Ўзбекистон Республикаси ҚТ, 2016 й., 2-сон, 10-модда) билан тасдиқланган Чет элда ишлаётган Ўзбекистон Республикаси фуқаролари ҳамда иш вақтини ҳисобга олиб бўлмайдиган шахсларнинг айрим тоифалари томонидан Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига сұғурта бадаллари тўлаш тартибини, шунингдек, уларнинг пенсияни ҳисоблаш учун олинадиган иш стажини ва иш ҳақи микдорини ҳисобга олиш тартиби тўғрисида Низомда:

а) 2-бандинг иккинчи хатбошидан «шу жумладан Ўзбекистон Республикаси Бандлик ва меҳнат муносабатлари вазирлиги ҳузуридаги Ташқи меҳнат миграцияси бўйича агентлик ёки фуқароларни чет элларда ишга жойлаштириш бўйича хўжалик

хисобидаги миңтақавий Бюролардан (кейинги ўринларда ваколатли орган деб аталади) чет элда меҳнат фаолиятини амалга ошириш учун қонун ҳужжатларида белгиланган тартибда рухсатнома олган» сўзлари чиқариб ташлансин;

б) 6-банд қуидаги таҳрирда баён қилинсин:

«б. Чет элда ёлланган ҳолда ишловчи шахс бошқа давлатда ишлаган ҳар бир ойи учун Пенсия жамғармасига сугурта бадалларини ихтиёрий равишда тўлайди.

Чет элда бўлиш даври меҳнат дафтарчасидаги ёзувлар, паспортдаги Ўзбекистон Республикаси Давлат чегарасини кесиб ўтганлиги тўғрисидаги ёзувлар (муҳрлар, штамплар ёки белгилар) ҳамда Ўзбекистон Республикасининг дипломатик ваколатхоналари ва консуллик муассасаларининг кўрсатиб ўтилган шахснинг бошқа давлатда бўлган вақти ва консуллик хисобига қўйилганлиги маълумоти кўрсатилган тегишли ҳужжатлар асосида тасдиқланади.»;

в) 8-бандда:

«ҳар ой учун Пенсия жамғармасига сугурта бадаллари тўлаш санасида қонун ҳужжатларида белгиланган энг кам ойлик иш ҳақининг бир баробаридан кам бўлмаган» сўзлари «йилига Пенсия жамғармасига сугурта бадаллари тўлаш санасида қонун ҳужжатларида белгиланган энг кам ойлик иш ҳақининг тўрт ярим баробари» сўзлари билан алмаштирилсин;

г) 11-бандда:

биринчи хатбоши чиқариб ташлансин;

иккинчи ва учинчи хатбошилар тегишли равишда биринчи ва иккинчи хатбошилар деб ҳисоблансин;

д) 19-бандда:

иккинчи хатбошидаги «Ушбу мақсадларда» сўзлари «Пенсия тайинлашни сўраб мурожаат этиш учун» сўзлари билан алмаштирилсин;

учинчи ва еттинчи хатбошилар чиқариб ташлансин;

тўртинчи - олтинчи, саккизинчи ва тўққизинчи хатбошилар тегишли равишда учинчи - еттинчи хатбошилар деб ҳисоблансин;

еттинчи хатбошидаги «, шу жумладан» сўзлари чиқариб ташлансин;

е) 21-банд қуидаги таҳрирда баён қилинсин:

«21. Давлат солиқ органи якка тартибдаги тадбиркордан (чет элда ёлланган ҳолда ишловчи шахсдан, дехқон хўжалиги аъзосидан ва оиласидан тадбиркорлик субъекти оила аъзоси учун) Пенсия жамғармасига сугурта бадаллари тушиши юзасидан доимий назорат олиб боради.»;

ж) 23-банд қуидаги таҳрирда баён қилинсин:

«23. Пенсия жамғармасига сугурта бадаллари тўланганлигини тасдиқловчи асосий ҳужжатлар сифатида:

2018 йилгача - Пенсия жамғармасига сугурта бадалларининг тўланганлигини тасдиқловчи банк квитанциялари ва тўлов ҳужжатлари;

2018 йилдан бошлаб - давлат солиқ хизмати органларининг маълумотлари ҳисобланади.»;

з) 28-банднинг иккинчи хатбоши чиқариб ташлансин;

и) 38-банд қуидаги таҳрирда баён қилинсин:

«Якка тартибдаги тадбиркор (чет элда ёлланган ҳолда ишловчи шахс, солиқ агенти хисобланмайдиган иш берувчидан даромад олувчи ходим, деҳқон хўжалиги аъзоси ва оилавий тадбиркорлик субъекти оила аъзоси) томонидан Пенсия жамғармасига сугурта бадалларини тўлаш далили гувоҳлар кўрсатмалари билан тасдиқланмайди.»;

к) 1-3 ва 5-иловалар ўз кучини йўқотган деб хисоблансин.